

Tuhaqtauyukhaq

KANATALU NUNAVULLU AKILIQTAA PITQUHILIQINIKKUT ILIHARVIKHAQ KANGIQTUGAAPINGMI

Iqaluit, Nunavut, Iipu 9, 2009 — Kanatap Ministaa Aanniaqtuliqiyitkunni, Nan'ngariyauyuq Leona Aglukkaq, ilagiplugu Nan'ngariyauyuq Eva Aariak, Hivuliqta Nunavut, uplumi uqaqtuk kavamatik akiliqhiniaqtuk nappaqtirinirmik Piqqusilirivvik Iliharvikhamik Kangiqtugaapingmi.

"Kavamatuqait Kanatap ilihimayaat nappaqtirinikkut akiliqhimatay havaakkaliurutigiyait Ukiuqtaqtumiunut," uqaqtuq Minista Aglukkaq. "Una akiliqhahimaniq angiyumik ikayuutauniaqtuq maniliurutiginahuqaqtaanut Kanatap Ukiuqtaqtuanut, pivalliatjutikhainnik tunihiluni nunallaanut."

Hivuliqti Aariak uqaqtuq imaa, "Tammaqtailiniq Inuti pitquhiinnik uqauhiinniklu pitjutigiyauyuq talvalu ilauyukhaq nakuuyaangani aulaniat nunapta. Piliurniq Piqqusilirivvikmik taimaatut piniaqtuq talvalu pipkarluni titiraliriangani itjuhiptingnik kinguani, ilaunirmik Inirnikhanik iliharvingni, talvalu atuttiarnirmik piluni pitquhituqakkut piangaiyarniptingnut."

"Nappaqtirinikkut paannariingniq atuqtaak Kavamaita Nunavut Kavamatuqaitalu Kanatap tamainni aallatqiit havakvuiyuni ikayuutauyuq mikhipkainiagut angiyup atugaanik nappaqtirinikkut hamani nunami," uqaqtuq Nan'ngariyauyuq Lorne Kusugak, Minista Kavamatkunnillu Pivikhaqautitkunnut.

Akikhaq uqautigiyauyuq uplumi ikayuqtaa nappaqtirinirmik pitquhiliqinikkut iliharvikhamik ilaliutihimayaat Nunavutim 2008-09mi Ukiumi Akituyunik Pinahuaqtainni. Igluqpak atuqtauniaqtuq Inirnikhanit ayuqhayaangani inulrammirnik pitquhinik. Ilauquiaqtuq tammaqtailinirmut Inuit pitquhiinnik, uqauhiinnik, ilitquhituqainninklu atuqtakhainnik hivunipta. Tamatkiutiplugu akia uuma angiyuq imaa \$32.2 miliat taalaq akiliqtauniaqturlu tamainnit kavamainnit Kanataplu Nunavutiplu.

Kavamatuqaita Kanatap Maniliurutiginahuarnikkut Qanurikliurutikhaat qayumikhipkaqtaa angilipkaqhugulu kavamatuqatkut akiliqtakhaat una \$33 piliat taalaq nappaqtirinikkut ilagiplugu una \$12 piliat taalaq nutaanut atuqtakhaq ukiungni malruungni. Kavamait Nunavut havaqatigiyaat kavamatuqatkut pihimmaariangani akikhat nappaqtirinirmut atuqtauuyaangani hivulliuyukhanut nunami tamaani.

Kangiqhittiarumagungni, takutjavat www.buildingcanada.gc.ca.

Josée Bellemare
Tuhaqtakhaliqinirmut Titiraqti
Nan'ngariyauyuqLeona Aglukkaq
Minisa Aanniaqtuliqinirmut
613-957-0200

Infrastructure Canada
613-948-1148

Shawn Maley
Ikayuqtia Tugliata Ministap
Nunalingni Kavamatkunnillu Pivikhaqatutikunnut
Kavamanga Nunavut
867-645-8101